

## ІНФОРМАЦІЯ ПРО ВОЛІЧА

По вступі до волебной містности воліч є повинний превказати раённій волебній комісії свою тотожність обчаньсков легітімацієв. Кедь на пожадана была волічови выдана легітімація на голосованя, предложить і тоту ведно з обчаньсков легітімацієв. Наслідно обводна волебна комісія од нёго легітімацію на голосованя одобере. Потім раённа волебна комісія закружкує порядкове чісло воліча в списку волічів і выдасть волічови лист на голосованя і порожню копертку з уряднов печатков села.

Обчан Словацькой републикы, котрый найпізніше в день волеб досяг вік 18 років, не має місто стабільного бываня на території Словацькой републикы і вступив у день реалізації волеб до волебной містности, превкаже свою тотожність словацькым паспортом а сучасно раённій волебній комісії укаже честне выголошіня о місті стабільного бываня в заграничу. Формуляр честного выголошіня му на пожадана выдасть раённа волебна комісія. Раённа волебна комісія такого воліча допише до списку волічів, што зазначить до ёго словацького паспорту, а честне выголошіня о місті стабільного бываня в заграничу припоїть к списку волічів. Потім раённа волебна комісія выдасть волічови лист на голосованя і порожню копертку з уряднов печатков села.

**Перевзятя листу на голосованя і копертку потвердить воліч у списку волічів властноручным підписом; кедь так зробити не може або кедь під перевзятя листу на голосованя і копертку ся не буде хотїти підписати, председа раённой волебной комісії зазначить тот факт до списку волічів.**

Каждый воліч повинен одыйти перед голосованём до выділеной части містности, в котрій управить лист на голосованя. Волічови, котрый не вступить до того простору, раённа волебна комісія не доволить голосовати.

У части выділеній на управу листів на голосованя воліч на листі голосованя закружкує порядкове чісло кандидата, котрому вирішив дати свій голос. Воліч може закружковати порядкове чісло лем єдного кандидата. Кедь воліч закружкує веце порядковых чісел кандидатів, такый лист на голосованя є неплатный. Управлений лист на голосованя вложить воліч до копертки і наслідно до волебной урны.

На пожадана воліча му раённа волебна комісія выдасть за некоректно управлений лист на голосованя іншый.

Воліч, котрый не може сам управити лист на голосованя із здравотных прічін або зато, же не може чїтати ці писати **і перед голосованём поінформує о тім факті раённу волебну комісію**, має право взяти із собов до выділеной части на управу листів на голосованя іншу способну особу, жебы подля ёго інштрукцій і закона управила лист на голосованя і вложила го до копертки; таков особов не може быти член раённой волебной комісії. Обидві особы перед вступом до выділеной части на управу листів на голосованя член раённой волебной комісії поучить о способі голосованя і о криміналінім skutку в припадї нарушования приправы волеб і волебного процесу.

За воліча, котрый не може із здравотных прічін сам вложити копертку до волебной урны, може ю до нёй на ёго жадость вложити інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізації волеб раённу волебну комісію одголосовати до переносной волебной урны, а то лем на території волебного раёну, про котрый была раённа волебна комісія створена.

Воліч повинен одложити некоректно управлений лист на голосованя до запечатованой ладічки на несхоснованы або некоректно управлены листы на голосованя, інакше ся допустить переступліня, за котре буде покутований сумов 33 евро.